

卷十七

群書考索卷之一


書名 群書考索前集六十六卷
 正德十三年建陽劉氏慎獨
 書齋刊本
 撰者 宋 章如愚 撰
 卷 卷十七
 內容分類 子 類書 彙考 宋
 索書號 子部 類書 17
 編號 C5930500

彩色首頁1

東洋文化研究所漢籍目錄 編號 C5930500
 東洋文化研究所漢籍目錄所藏漢籍善本全文影像資料庫 索書號: 子部 類書 17
 漢籍善本全文影像資料庫文本 群書考索前集六十六卷 正德十三年建陽劉氏慎獨

書齋刊本
 版權所有: 東京大學 東洋文化研究所
 使用上的注意事項

易經
 學傳授之圖



前集

群書考索卷十七

前集

山堂先生章俊卿編輯

建陽知縣區玉刊行

訓導袁賓校正

。正史門

國史類

宋朝百官公卿表

熙寧元年十一月司馬光請據國史例漢書作百官公卿表以備省覽
與趙彥同備至元豐四年上盡治平二年

國朝會要

神宗時王珪進會要表云唐有天下逾三百年制度文章可謂盛際德
宗正元間蘇冕始為唐會要四十卷其後武宗時崔氏續四十卷宋朝
王洙取宣宗以後事并蘇崔所錄共一百卷國家規模宏遠聲昭亡前
肆我仁祖命邇臣脩宋朝會要肇自建隆止慶曆四年成一百五十卷

章得蒙上王洙編脩神宗嗣恢前志命官添脩十有二年始克成書續以慶曆四年止熙寧十年通舊增損成三百卷總之十一類八百五十五門其門禮樂政令之大綱儀物事為之細目上自帝后以底臣庶內而朝廷施于蠻夷有關討論顯無不載其文致簡其事致詳稽叅盡在推而易行豈止便遺訓故實之求抑亦信疊矩重規之盛。皇朝虞允文等撰續會要起神宗初年迄靖康之末凡六十年編百卷分二十一類六百六十六門。乾道四年詔尚書左僕射陳俊卿兼提舉編脩職。乾道五年汪大猷等言蔡攸所脩國朝會要除將熙寧十年以前章得蒙王珪所脩重加刪潤外其自元豐至政和止脩得帝系后妃吉禮三門攸所脩吉禮緣當時議論好惡不同妄有刪改以迎時好乞令本省再加刪定兼今來續脩斷自神宗其五朝要會內有熙寧十年內事件件編次以續脩國朝會要為名從之職。梁克家等撰中興會要先是國家會要已脩至靖康二年閏五月一日承詔自建炎元年續脩上乾道九年陳騏等言編類建炎以後會要至紹興三十二年六月十一

日成書諱以中興會要名之

國朝玉牒

官無定員掌脩皇帝玉牒凡編年以紀帝系而載其曆數及朝廷政令之因革者為玉牒唐本宗正之職開成後始別置脩玉牒官。聖朝祥符中始設局置官倣唐制也詔以皇宋玉牒為名六年以夏竦為脩玉牒官自後置一員或二員景祐初李淑申請詔以編脩院廳西閣子充脩纂玉牒之所熙寧中於三班院置局後徙編脩院皇帝玉牒十年一進脩玉牒官並以學士典領自元豐行官制分隸宗正寺官六年詔宗正寺脩玉牒照用云曆所文字並指定所書事令本所節錄元符初陳覺乙忻先帝玉牒內聖政令本寺脩玉牒官抄寫封送國史院從之紹興中襲舊制始建以宰臣一人提舉脩玉牒官一人以侍從兼凡宗正卿少而下悉與脩纂二十九年詔玉牒所併入宗正寺更不置脩玉牒官檢討官以本寺少卿及丞同領編脩事詔玉牒所宰臣提舉依舊脩書官一員同宗正卿丞脩纂更不置檢討官二十三年詔左僕射陳康

伯提舉編脩玉牒玉牒格及赦令并御札聖旨親筆處分并郊祀巡幸大臣拜罷親試賢良與朝廷大議論更革廢置大祥瑞災異戶口增減官雖卑因事賞罰關治體者宋朝玉牒則起於太宗之至道脩玉牒則掌帝籍玉牒及近族親屬昭穆之序至真宗大中祥符六年判宗正寺趙世長等奏乞別宗懿號詔以皇宋玉牒為名其後屬籍類譜與夫宗藩慶系之錄仙源積慶之圖常與玉牒為伍並脩而同進九事之書則又見於紹興臣僚之請紹興十二年申請一天子親祠天地宗廟一公幸一大慶一臨軒冊拜后妃封建皇子入閣一丞相除服一天子巡行大貢一賞罰大者一雖小官事繫朝廷大體。周禮春官之屬史官分職最為詳密國之大事既書于太史而言勅之記又分於左右史至於莫世繫辨昭穆則又掌之以史則玉牒之始也迨唐開成李差官命名迄宋朝制作益重其凡則編年以紀帝系而載其曆數及朝廷政令之因革者為玉牒序其同姓之親而第其五服之疎戚者為屬籍具其官爵功罪生死及號若世者為類譜推其所自出至於子孫而外其名位者為宗藩慶系錄考定其次支分派別而歸於本統者為仙源積慶

圖雖檢討之官無常員自少卿丞簿外又置所以領之所以後感美昭護烈而重宗廟也

國朝實錄

國朝沿唐制有實錄之史治平初以宰臣韓琦提舉脩仁宗實錄熙寧初以宰臣曾公亮提舉脩英宗實錄紹興以實錄國史皆寓史館後罷遇脩即置院九年以脩神宗哲宗徽宗實錄始置院以宰臣一員提舉脩撰檢討無定員檢討以本省官或他官兼而脩撰官如史館例十二年詔史館提舉諸司承受等并官吏並併歸實錄院罷史館。咸平中真宗以太祖實錄漏落詔李沆等重脩五十卷沆表上之曰前錄頽亡事今之所正率由典章又增益諸傳一百四人。至道三年詔李若水等撰太宗實錄八十卷咸平元年書成上之。乾興元年詔王欽若撰真宗實錄一百五十卷天聖二年書成上之韓琦等撰仁宗實錄二百卷曾公亮等撰英宗實錄三十卷。元祐間呂大防范祖禹等撰神宗實錄二百卷。紹興中謂其變亂美實外應詆誣之說命蔡卞改脩之

蔡京作哲宗前實錄一百卷後實錄九十四卷京之意以宣仁垂簾時政非出於上故分前後錄蓋厚誣也高宗紹興四年詔朱勝非等重脩神宗哲宗實錄勝非奏曰神宗史緣添入王安石日錄哲宗史經蔡京蔡卞之手議論多不公矣

國朝日曆

唐正元初韋執誼奏脩撰私家紀錄非是望令各撰日曆月終館中詳定從之此日曆所從起也國朝舊以宰相兼監脩國史脩撰直館檢討無常員掌脩日曆以時政記起居注會集脩撰為一代之舊典於門下省置編脩院專脩國史實錄脩纂日曆元豐中廢編脩院歸史館官制行屬秘書省國史案六年詔秘書省長貳毋得預著作脩纂日曆事進事即繫銜以防漏泄如舊編脩院法焉八年詔曾肇林希兼著作職事官兼職自此始元祐中移國史實錄編脩日曆以國史院為名隸門下省更不隸秘書省紹聖中詔日曆還秘書省宣和中詔罷在京脩書諸局惟秘書省日曆所繫元豐國史案除注作等官專管脩纂日曆之事

無定員外其元豐分案編脩日曆書庫官吏並依元豐法紹興初以脩日曆為名又詔秘書長貳通行脩纂日曆三年詔左僕射呂頤浩兼提舉脩國史詔脩日曆令侍從官帶史館脩撰餘官帶直史館檢討若著作即闕依元豐例差即官兼領日曆所以脩國史日曆所為名四年詔脩國史日曆所以史館為名依舊制置編脩勅校官十年秦檜請下有司討論史館建併之弊禮部看詳依元豐舊制併歸秘書省國史案以著作即佐即脩纂日曆見脩欽宗及高宗日曆令宰相提舉

太平政要

皇朝樞密使富弼等撰初弼請以三朝典故及諸司可用之文類聚成書使兩府遵守詔命史館校勘王洙集賢校理余靖祕閣校理孫甫集賢校理歐陽脩等同脩弼領焉慶曆四年書成上之分別書類起賞罰止延諫臣凡九十六門為二十卷每事之後各釋其意相類者止釋一事理明者不復釋云

太祖南宮事迹

老幼首身卷十七
至道中昭宣使王延德上太祖南宮事迹三卷命送實錄院咸平元年八月李若水以所脩實錄八十卷上進

太宗置起居注

淳化五年史館脩撰張泌言聖朝編年謂之日曆惟紀報狀畧叙敕文至君上聖政嘉言臣下善惡莫不細書以為世範按六典故事請置起居院脩左右史之職以紀錄為起居注與時政記逐月送史館以脩日曆上嘉之乃置院於禁中命梁周翰起居郎李宗諤掌起居舍人事其脩撰注式委翰林檢討故事以聞周翰等奏時政記外自餘百司凡封拜除授沿革制置之事並令聞起居院以備編錄仍令即舍人分直崇政殿以記言動別為起居注與每月起居注先以進御後付史館從之

太祖太宗真宗實訓

天聖五年十月乙酉脩監國史王曾言唐史官吳兢於正史實錄外錄太宗與群臣對問之語為正觀政要與正史並行令欲采太祖太宗真宗實錄日曆時政記起居注事迹不入正史者別為一書從之明年三

月癸卯監脩國史呂夷簡上三朝實訓三十卷真宗二年十月詔翰林待讀李淑赴資善堂刪整以備來春進讀至閏十二月二十七日淑乞丁度同脩纂詔可仍令丁度於來年祗候進讀康定元年四月十八日淑又言臣所讀實訓欲先讀第一卷政體聽斷事外却取第十二卷以後將邊防夾狄事先次進讀庶幾戎備邊政早得敷啓

太祖太宗真宗訓鑒

慶曆八年八月知制誥楊偉受詔與翰林李淑同編皇祐元年二月纂成進之凡十卷御製序

太祖太宗國史

真宗景德四年八月宰臣王旦監脩樞密王欽若陳堯叟參政趙安仁翰林晁迥楊億等脩祥符九年二月上九帝紀六卷志五十五卷列傳五十九卷初景德三年二月命知制誥朱巽等取太祖太宗兩朝史館日曆時政記起居注行狀編次以聞詔中書察院三司檢兩朝宣勅聖旨文字進納以將脩國史故也

太祖太宗真宗國史

天聖五年二月命宰臣王曾提舉真宗國史叅政呂夷簡及樞密夏竦翰林陳堯佐同脩天聖八年六月呂夷簡上新脩國史于崇政殿先是太祖太宗帝紀六志五十傳五十九凡一百二十卷至是脩真宗史成增紀為十志為六十傳為八十總百五十五卷

太祖太宗真宗故事

慶曆三年九月二十六日天章閣待制王洙右正言余靖太常博士孫甫集賢校理歐陽脩同編至四年上之分別事類凡九十六門二十卷富弼總領為序云編成一書置在兩府俾為模範三朝賞罰之權威德之本責任將帥之術升絀官吏之法息費強兵之制禦遠平寇之畧寬民恤災之惠篤親立教之風御臣防患之機察納諫諍之道率編錄焉

三朝聖政錄

撰人不著名氏錄太祖太宗真宗三朝政事以類相從起君道至戒貪

吏凡二十門為六卷每門系之贊云

祖宗英睿龜鑑

皇朝吉州布衣歐陽永安撰采諸書所載起太祖至神宗雄圖遠畧可為後世法程事者後各釋其意相類者不復釋凡四百八十事為十卷

太宗真宗聖政記

天禧五年四月輔臣集章聖皇帝聖製為三百卷乃祥符九年至道咸平時嘉言善事也又取至道元年四月訖大中祥符應中書密院時政記史館日曆起居注善美之事錄為聖政王曾等領之凡一百五十卷

仁宗英宗國史

熙寧十年五月戊午詔脩仁宗英宗兩朝正史命宰臣吳充提舉宋敏求蘇頌脩王存黃履林希編脩是年七月辛未上御資政殿吳充率脩國史宋敏求等以仁宗英宗紀草二冊進呈上服靴笏內侍集案宋敏求進讀上立聽顧問篇畢始坐

太平御覽

太平御覽

興國二年太宗閱前代書類門目紛雜遂詔翰林李昉扈蒙而下凡十四人以前代備文御覽藝文類聚文思博要及諸書參詳條次分定門目為一書八年十二月書成詔曰包羅萬象總括群書紀歷代之興亡自我朝之編錄足以資帝王之宥覽鑒古今之是非宜錫嘉名垂示後世可改為太平御覽帝每聽政日讀御覽三卷有故或闕即退之雖隆冬短景必及其數大臣請少息帝曰朕開卷有益不以為勞九諸故事可資風教者悉記之又延見近臣必引接談論以示勸戒

景德時政記

開寶七年史館備撰扈蒙請委宰臣及參政凡事經聖斷可書簡冊者錄付史館及命參政盧多遜記錄至太宗興國八年詔中書門下應國家裁決之事及帝王宣諭之言合書史冊者宜令參政李昉抄錄李送史館密院委副使唯此雖有時政記之名但云送史館事件至景德元年始題云時政記故有中書令樞密院時政記

將府元龜

祥符六年八月十二日王欽若等上先是景德二年九月丁卯命王欽若知制誥楊億等備歷代君臣事迹凡起例類事分門皆上稟聖意以徵勸為本至是凡九年而書成目錄音義各十卷詔名冊府元龜御製序

御覽御屏風

真宗咸平中田錫屢召對言事癸曰陛下治天下以何道臣願以皇王之道治之舊有御覽御屏風但託分門事類臣請鈔畧四部訓為御覽三百六十卷萬機之暇日覽一卷又採摭經史要切之言為御屏風十卷真宗坐之側則治亂興亡之事常在目矣上善其言詔史館以書借之先奏御覽三十卷御列屏風五卷自為序曰可以銘於坐隅者書於御屏風可以用於帝道者錄為御覽

仁宗朝備起居注

仁宗因賈黯言許備起居注入侍經筵

慶曆新編祖宗故事

慶曆三年九月二十六日命天章閣侍講史館檢討王洪集賢校理余靖同編脩至四年上之凡十卷

仁宗訓典

范祖禹採仁宗聖政數百事編錄成書名曰仁宗訓典元祐七年進之凡六卷

仁宗君臣政要

皇朝秘書丞張唐英編進自天聖初終於嘉祐八年三月凡二百八十五條分為四十卷

神宗聖訓錄

皇朝起居舍人林處撰起孝德迄遠夷凡一百門為二十卷名聖訓錄以續五朝寶訓目錄一卷

續資治通鑑長編

皇朝李燾撰起建隆元年訖靖康元年壽以司馬光作資治通鑑唐三百年長編范祖禹實掌之光謂祖禹曰長編毋失於繁寧失於畧當時

祖禹所編長編蓋六百餘卷光手刪之止八十卷故燾纂集用光義例廣記備言以待後之作者燾此書自謂非使續通鑑姑謂續通鑑長編而已其間有異同之論則並錄于下而不敢削

歷代聖製類

宓義八卦

宓義之作易綿絡天地經以八卦

虞舜南風詩

舜彈五絃之琴造南風之詩曰南風之薰兮可以解吾民之愠兮南風之時兮可以阜吾民之財兮

漢高祖大風歌

上還過沛留置酒歌曰大風起兮雲飛揚威加海內兮歸故鄉安得猛士兮守四方

武帝作芝房歌

甘泉宮中產芝作芝房歌

武帝作寶鼎天馬之歌

得寶鼎后土祠旁馬生溼注水中作寶鼎天馬之歌

武帝白麟歌

元狩元年冬十月行幸雍祠五時獲白麟師古曰麟麋身牛尾馬足作黃色圓蹄一角七端有肉

白麟之歌

武帝作盛唐從陽歌

五年冬行南巡狩至于盛唐望祀虞舜于九疑登瀟天柱山自潯陽浮

江親射蛟江中獲之舳艦千里薄從陽而出作盛唐從陽之歌

武帝作瓠子歌

二年冬十月行幸雍祠五時春幸緱氏遂至東萊夏四月還太山至瓠

子臨決河命從臣將軍臣下皆負薪塞河隄作瓠子之歌

武帝秋風辭

秋風起兮白雲飛草木黃落兮鴈南歸

唐太宗金鑑書

宣宗夜召翰林學士令狐綯與論人間疾苦帝出金鑑書曰太宗所著

也卿為我舉其要綯語曰至治未嘗任不肖至亂未嘗任賢任賢享

天下之福任不肖罹天下之禍帝曰善朕讀此常三復而已

高宗天訓會要

顯慶二年六月上製元首前星維城股肱誠著股肱論令許敬宗著名

曰天訓

元宗賜三傑詩

宋璟為尚書張說為左丞相源乾曜為太子太傅同日拜有詔太官設

食太常奏樂會百官尚書省東堂帝賜三傑詩自寫以賜

德宗君臣箴

杜希全遷靈監節度使將即戎獻體要八篇矻切時病帝嘉納之賜君

臣箴一篇

台衡宸表銘

馬燧以河中平詔書褒美遷光祿大夫兼侍中宴賜畢還大原是行也

德宗賜燧宸宸台衡二銘燧至大原勒石起義堂帝為題其額以寵之
魏武新書

太祖自統御海內芟夷群醜其行軍用師大較依孫吳之法而因事設
奇料敵制勝變化如神自作兵書十餘萬言諸將征伐皆新書從事
國朝御製類

太祖應天曆序

乾德元年四月太祖製建隆應天曆序

太祖製定神農本草序

開寶六年製重定神農本草序

太宗賜進士御詩

太平興國二年正月宴新及第進士呂蒙正等於開寶寺仍賜御詩二
首以寵之故事禮部放榜後敕下之日驪錢於曲江為聞喜會近代多
於名園佛廟亦飲餼而為盛集至是官為共帳仍賜以詩非常例也其
後淳化中亦賜詩見於賜進士箴

太宗聞捷奏詩

興國四年太宗幸河東作聞捷奏平隆州詩五月幸城南自草賜劉繼
元詔又作平晉賦

閱太宗御書於龍圖閣詩

景德二年四月作令從臣應制及命李宗諤作序又作龍圖贊是時既
觀書又宴於延和殿

東郊籍田詩

太宗端拱元年正月作

御製成齊競詩

太宗聽政之暇每念躁競之輩不知理道作七言詩示學士卒章云好
事盡輸純與直謾勞口舌湧如泉張洎揣摩聖意上表稱謝上善之謂
宰相曰洎老於文學深諭朕意此表當付史館使眾人塞奔競之源也
太宗聖文神筆頌

祥符六年正月應諸路轉運司官內州軍官觀寺院名山靈迹曾經賜

太宗御製書者件榜以聞當降御製太宗聖文神筆頌刊石
御製秘閣贊

淳化三年詔增脩秘閣八月成帝作贊賜之宰相李昉等請刻石閣下
太宗賜進士脩身箴

端拱二年親試進士陳堯叟等並賜及第上作脩身箴賜之勉以脩身
謹行稽古効官之意

賜內侍箴

大中祥符六年上嘗作內侍箴注釋賜閻承翰等大指以內懷祗悚乃
可事君其或輕率必當陷刑辟而失身苟能專謹無放佚朕之志也

太宗賜進士箴

淳化三年三月賜新及第孫何等御製箴一首及賜宴於瓊林苑又賜
御詩是後每宴及第皆賜御詩

歌器論後述

太宗嘗出歌器以示侍臣命左右以水注之初虛以歌至中而正盈則

覆上曰日中則昃月盈則虧聖人有持盈戒謹之道朕每思臨天下令
中正之道何所法乎丁度對曰臣等亦願以中正事陛下因奏太宗時
嘗作此器真宗為之贊上遂製歌器論後述以示之度等奏曰聖文大
旨率遵先帝聖訓父作子述此周道所以無憂而永福萬邦之道也願
宣布中外使知聖心所存上曰可便以此本賜卿度等拜而受之

太宗御集

大中祥符五年內出新編太宗御集御書法帖總三百三十六卷示輔
臣曰先帝嘗學實由天縱凡屬思必極精妙朕即位以來孜孜尋訪文
詞筆札始無遺逸四方以朕求訪所進納者多是先帝賜與以其欲自
寶並却給付丁謂曰若盡收秘府則人間無本好學何所師法上曰朕
復給之正為此爾至且曰太宗以文章化人五代以來筆札無體太宗
在南宮留意翰墨斷行片簡傳之於外則爭求之寶為指法自後學者
書體丕變實聖教之至也

太宗游藝集

真宗祥符中取太宗御製樂譜碁圖歌詩列為游藝集凡一百二十卷
仁宗又命曾公亮復詳校之及觀為後序

至聖文宣王贊

太宗作至聖文宣七十二子贊帝謂輔臣曰朕萬機之暇但以經史筆
硯為娛因成撰述太宗自踐祚以來多所述作雖車駕征行不廢吟詠

真宗文武七條

祥符二年。清心。奉公。脩德。責實。明察。勤課。華弊已上
政。循身。守職。公平。訓習。簡闊。存恤。威嚴已上
分賜

真宗政要

乾興元年九月內出真宗政要十卷示輔臣蓋上於章聖記中撥事之
要者纂為此書

真宗正說

真宗讀經史據其可以為後世法者著正說五十篇寶元二年十月上
御題英剛觀講春秋三氏傳及正說然上曰春秋所述蓋前世治亂之

事正說乃先帝訓言皆足以為監戒者因詔翰林侍讀李淑進讀三朝
寶訓李仲容讀所論經史規監事迹

真宗御集

天禧元年十一月龍學李虛已編成百二十卷目三卷召輔臣對于滋
福殿以示之

宸章集

真宗祥符三年夏四月龍圖閣待制陳彭年准詔纂歷代帝王集凡正
位十五卷閣位十卷上作序賜名宸章

明良集

真宗天禧二年九月兵部郎中李虛已上奉詔集群臣所和御制詩為
明良集五百卷詔賜器幣

乾坤寶典

真宗景德二年五月上作乾坤寶典叙以天文地理陰陽歷數之書率
多詳設乃命司天監史序等備撰撮其精要類分之成四百十七卷踰

年始就上為製名及序藏於祕閣

真宗北征回鑿詩

真宗景德元年澶淵之役契丹來請盟十二月甲申契丹使姚東之來獻御衣食物丙戌遣左藏庫使李吉昌使聽其請盟戊子上午作北征回鑿詩命近臣和甲午寫登澶州至仁宗至和二年詔真宗幸澶淵有御製親書回鑿詩存於州解其令刻石以藏之

真宗清景殿書事詩

天禧元年二月作憫農天時地利稼穡省費為政薄賦牧宰恤刑安民十題安百篇皆有序召輔臣至龍圖閣示之

玉宸殿觀瑞麥詩

天禧三年三月作賜近臣

金華殿觀麥歌

真宗祥符五年六月上以諸王所歌金華殿觀麥示群臣

念農歌

真宗大中祥符二年謂宰臣曰朕北鄙和好邊陲無事然居安慮危未嘗敢自暇逸每為文自警置諸左右朝夕觀之因出軫田天二吟念農歌自戒守官箴以示之

憫農歌

祥符七年六月丙子棣州經水流民歸業者給復三年庚辰作憫農歌賜近臣和

學書歌

真宗天禧三年上作學書歌勸農吟賜皇太子

元良述

天禧三年九月二十三日丙子內出御製賜皇太子元良述六藝箴

六藝箴

見前

宗室座右銘

祥符三年九月判宗正寺趙湘因對請御製文以戒宗室上作宗室座右銘賜宗室元良以下

大中祥符四年九月辛未朔壬申上作內藏庫銘以陳彭年表請聖文故從之

泰山銘記

祥符二年正月出泰山銘記示輔臣十一月中書門下言欲依張齊賢等乞觀御製泰山銘及夫齊王周公文宣王武成等及令丁謂等於朝堂宣示百官帝曰此但紀一時事何足朝堂宣示宰臣王旦等言君父聖作臣下皆願榮觀帝固拒未詳再三陳乃從之翌日皆稱謝

資善堂記

祥符九年二月詔元符觀皇太子就學新堂宜以資善為名因製記天禧二年正月上詣元符觀宴世聖製資善堂記祥符九年張士遜請以聖製資善堂記刻石堂壁從之

勤政論

祥符四年真宗作勤政論俗吏辨示近臣

財利論

天禧二年二月真宗作寬財利論賜三司使李士衡

祥瑞論

祥符中真宗嘗著祥瑞論大指以明王雖有不祥常用祗授中人一觀善應即自後大聖賢思以防邪故春秋不書其事然神祇降監亦以揚祖宗之烈當欽承而宣布之若恃休期以自肆固宜戒也論成宰相請刻石國子監從之

正臣論皇王帝霸四論

祥符八年四月癸丑賜宰臣御製良臣正臣忠臣奸臣權臣論并御製皇王帝霸四論

資治通鑑序

神宗皇帝御製曰故賜其書曰資治通鑑以著朕之志焉耳

危竿論

慶曆四年出危竿論述君高慎危之意

瑞物歌

祥符三年八月作龍圖閣圖書瑞物歌

裕享樂舞

嘉祐四年製裕享樂舞名

奉天庇民述

祥符二年十二月作奉天庇民述示宰相

崇儒術為君難為臣不易

祥符五年十一月帝以崇儒術為君難為臣不易二論示王旦等先是龍圖閣直學士陳彭年因奏對帝謂之曰儒術汗隆其應實大國家崇替何莫由斯故秦衰則經籍道息漢盛則學校興行其後命晉迭改而風教一換有唐文物最盛朱梁而下王風浸微太祖太宗一變弊俗崇尚斯文朕獲紹先業謹守前訓禮樂交舉儒術化行實二君之裕之所致也又曰君之難由乎聽受臣之不易在乎忠直其或君以寬大安下臣以誠明奉上君臣之心皆歸於正直道而行至公相遇此天地之達

理先王之成惠猶指諸掌執謂難成彭年曰願躬演睿思著之篇翰頃之以二論示彭年復請示輔臣旦等因請付國子監刻石從之

勤政裕吏辨為治不易論

祥符七年寇准等表請赴國子監觀太宗御製文集御書及聖製文集御書及聖製御書刻石從之先是帝以太宗御製文集御書并帝所製勤政裕吏辨為治不易論收於國子監也官拜章乞營閣以安之又輔臣乞以聖製五篇刻石閣下至是始成故文武百官表求觀焉

孝經詩

祥符八年作孝經詩三章賜群臣屬和

讀十九代史詩

祥符八年七月作讀十九代史詩賜近臣和

製先天紀序

祥符八年十月製先天紀序

思文論說春秋要言

天禧元年作思政論說十卷春秋要言三卷

稼穡倍登詩戒酒

天禧二年作稼穡倍登詩戒酒二論賜宰相

三教詩

天禧二年十一月作三教詩各一百首

皇祐大享明堂記序

皇祐三年制衣皇祐大享明堂記序

聖祖降臨記

祥符五年作聖祖降臨記

新脩冊府元龜序

祥符六年作新脩冊府元龜序

承華要畧六藝歲記授時要記

真宗天禧三年九月二十三日以御覽國史兩朝實錄太宗御集律術
秘書經史子集及前後御集賜皇太子時召宗室宰臣以下對子清景

殿觀書帝以青宮要紀事有未備因博採群書廣為承華要畧每篇
贊并述六藝歲各一卷承華要畧一十卷授時要記十二卷

審樂要記

康定元年仁宗御製

寶文閣觀書御詩

嘉祐七年十二月幸寶文閣為飛白書分賜從臣因出觀書御詩一首
賜宰臣韓琦以下令屬和遂宴群玉殿傳詔學士王珪為詩序刻石于
閣其詳亦見於
閣觀三聖御書

觀文鑒古圖記

慶曆元年七月上命圖畫前代帝王美惡之迹可為規戒者號觀文鑒
古圖上自為記召輔臣至迎陽門觀之

原道辨

淳熙八年作原道辨

東坡集贊

學案集卷十二

孝宗乾道九年賜東坡集贊

奉神述

祥符四年五月作奉神述以諭中外

群書考索卷十七

前集

群書考索卷十八

前集

山堂先生章俊卿編輯

建陽知縣區玉刊行

教諭譚璋校正

歷代聖翰類

包羲龍書

三皇以前結繩為政包羲因龍之瑞始作龍書

神農總書

神農因嘉禾八穗作總書

黃帝鳥跡書

黃帝蒼頡變古文作鳥跡篆

少昊鳳鸞書

少昊作鳳鸞之書取以古文